

Edwin Jacobs di partido M.E.P. ta indica

E dos rumannan Eman ta contento cu chikitonan di su partido tin cu colga pa scapa e grandinan

ORANJESTAD (AAN); "Tin indicacionnan sumamente fuerte di irregularidad". Cu e palabranan aki Henny Eman a hunga pa huez y a condena e chikitonan di su partido.

Segun Edwin Jacobs di MEP, algo masha remarcable, despues cu Mike Eman tin 3 aña ta hura cu nada malo a tuma lugar. Na mes momento Henny y Mike Eman a muestra nan euforia y alegria inmenso cu mientras e chikitonan di nan partido ta keda colga, nan a scapa di acusacionnan di bagamunderia.

Un a scapa di mester responsabilisa su mes dilanti huez, y e otro a scapa di mester bay eleccion cu su ruman como sospechoso. No ta nos ta bisa esaki, ta locual e dos rumannan Eman a declara na prensa. Y e scapamento aki tabata suficiente motibo pa e dos rumannan Eman celebra esaki en grande, permitiendo pueblo comparti nan fiesta cu nan mediante un conferencia di prensa. Y e fiesta tabata e momento oportuno pa e rumannan Eman bisa pueblo cu bagamunderia realmente a tuma lugar.

Labando nan man den inocencia, manera Poncio Pilatus, Henny y Mike Eman ta colga e chikitonan den nan partido. Ningun di dos tabata tin e curashi pa prome cu caso den corte acepta cu bagamunderia a pasa cu



placa di pueblo den Fondo Desaroyo Nobo. Locual tambe tabata remarcable tabata e ausencia di otro miembronan di e partido AVP na e celebracion aki. Sigur ausencia di e sombra di Mike Eman a hala masha hopi atencion.

Analisis
Cu bagamunderia cu placa di pueblo a tuma lugar cu proyectonan di e fondo ilegal di Fondo Desaroyo Nobo, no ta nada nobo. Comision di Berdad y investigacion di Contraloria General a muestra

esaki. Un pregunta interesante ta con e bagamunderia aki por a pasa? Y kende ta esnan envolvi den esaki? E contesta ariba e prome pregunta ta uno basta simple. E bagamunderianan den Fondo Desaroyo Nobo por a pasa, pasobra esnan encarga cu esaki a crea e condicionnan necesario pa e bagamunderianan por a pasa. Un di condicionnan pa e bagamunderia por a pasa tabata saca e trabaonan for di bao di DOW, caminda tin control y manda esaki nan pa un oficina cu no tin ningun experiencia ariba e tereno aki y tampoco control. Eliminanco control, e porta a habri hanchu pa bagamunderia. Y ta kende a tuma e decision aki? Ata bo sa, ex-prome ministro Eman su gobierno a tuma e decision di lanta un oficina nobo na San Nicolas y encarga e oficina aki cu ehecucion di proyectonan. Y e oficina aki

a keda yena cu personanan directamente yega na partido AVP. A nombra campañadornan y candidatonan ariba lista como hefe y empleadonan di dicho oficina. Na mes momento gobierno no a percura pa den e oficina tin e mecanismonan di control financiero, pa evita mal uso y abuso di placa di pueblo. Y awe, e rumannan Eman ta confirma cu den e oficina aki bagamunderia na gran escala a tuma lugar. Pero kendenan a haci e bagamunderianan aki? Ta empleadonan publico comun y coriente? No. Ta esnan yega na partido AVP y na su lider ta esnan cu awe tin cu responsabilisa nan mes dilanti huez. Chikitonan reflexiona
Despues cu e dos rumannan Eman a condena nan, e chikitonan aki mester reflexiona hopi mes ariba loke nan ta acusa di dje y ariba e castigo cu ta warda nan. Puntra bo mes si ta abo

so a haci locual nan ta acusa'bo di dje y di locual e rumannan Eman ya a condena'bo caba. Bay back y corda si bo a actua ariba propio voluntad of ta kendenan a traha trampa pa abo a cay aden. Mira bo famianan den nan cara y pensa si ta husto pa nan so carga e peso di e locualnan Henny Eman a condena'bo caba di nan, mientras cu kisas bo a actua ariba ordo di e grandinan. Reflexiona mi ruman. E grandinan a colga'bo diaranson cu a pasa. Nan a scapa y nan a celebra en grande. Pero abo, cu a cana cas pa cas. Abo cu a haci e trabao sushi pa nan, nan a condena'bo y laga'bo keda na suerte di bida. Reflexiona mi ruman. Reflexiona si ta abo so mester colga.

TELEFONNAN DI DIARIO
582-6747 - FAX 582-8551

RELAHA IN NAAM DER GOBIERNO!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

Lion

Head

Afl. 99,=